



**TEZAUR LITURGIC**  
**17 FEBRUARIE**

**ACATISTUL  
SF. IERARH-MUCENIC  
ERMOGHEN,  
PATRIARHUL  
MOSCOVEI  
ȘI ÎNTREGII RUSII**



**MOSCOVA, 2000**



## Акафист

**святителю Ермогену,  
митрополиту Московскому,  
чудотворцу**

### Кондак 1

Изрядный воеводо ратоборцев за веру Христову, теплый утешителю всех напаствуемых и обремененных скорбьми многими, непоколебимый столпе православныя веры, еяже ради положил еси душу твою за други своя, и нас свободил еси от козней и сетей вражиих. И ныне от Господа прославлен еси явлением чудес твоих, имиже собрал еси нас умиленною душею пети тебе: Радуйся, святителю Ермогене, добрый пастырю и великий заступниче Российских земли.

### Икос 1

Ангела хранителя Российских земли яви тя милосердый Христос в древния дни мятежа и нестроения, да спасет ю от блуждания

греховнаго. И ныне яви тя молитвенника тепла и чудотворца, яко знамение жизни нашея; да и ныне грядут по тебе вси блуждающии, яко овцы неимущия пастыря, и обретше тобою спасение, да поют тебе сице:

Радуйся, Церкве нашея премудрое возглавление;

Радуйся, о чадех Церкве теплое промышление.

Радуйся, страны нашея церковное утверждение;

Радуйся, сынов царства православное озарение.

Радуйся, пастырем и пасомым доброе поучение;

Радуйся, царем нашим совете и утешение.

Радуйся, святителю Ермогене, добрый пастырю и великий заступниче Российских земли.

## Кондак 2

Видя Русь, яко вдовицу, зельне плачущу о разорении дома своего, умилосердився, на рамена своя подъял еси скорби ея и даже до

смерти понесл еси я. Сего ради вечно радуешися на небесех, пой Богу: Аллилуиа.

## Икос 2

Разумом любве, наказуюция и милуюция, управлял еси, святителю, Казанскою паствою твою, яко кораблем, в пучине зол потопляемым, и привел еси его к тихой пристани святыя православныя Церкве, темже благодарственно поем ти:

Радуйся, ума Христова вместилище;

Радуйся, разума Церкве хранилище.

Радуйся, главо, светом истины всех озаряющая;

Радуйся, премудрости, немудрья просвещающая.

Радуйся, благовестниче православныя правды;

Радуйся, обличителю человеческаго суемудрия и неправды.

Радуйся, святителю Ермогене, добрый пастырю и великий заступниче Российский земли.

## Кондак 3

Силою веры и разума духовнаго укрепляя во граде Казани новокрещенную паству твою, всеоружием Божия благодати победил еси козни врагов православныя веры Христовы и поучал еси чад твоих непрестанно взвывать Богу: Аллилуиа.

## Икос 3

Имея благодать священства, добре носиму в благоухающем сосуде души твоя, сподобился еси, отче Ермогене, взяти от земли святую икону Пречистыя Богоматере, во граде Казани чудесно явленную, и прославити ю по достоянию. Темже и подвизаеши нас взвывать тебе сице:

Радуйся, чудотворныя иконы Казанский первое прославление;

Радуйся, чудес от сея иконы неложное извещение.

Радуйся, славы Богоматере умиленный песнотворче;

Радуйся, пред Нею о пастве твоей теплый молитвенниче.

Радуйся, Матерь Божию, яко Заступнице  
православного царства Российского, почитаяй;

Радуйся, о утверждении сего царства пред  
Пречистою слезы проливаяй.

Радуйся, святителю Ермогене, добрый  
пастырю и великий заступниче Российских  
земли.

### **Кондак 4**

Бурею помышлений сумнительных и  
стремлений мятежных волнуема и в пучину  
инославного суемудрия погружаема, Русь  
утопаше. Узрев же тя, святителю Божий, яко  
«столпа непоколебима и адаманта тверда»,  
воздрадовася надеждею и, тобою укрепляема,  
поет Богу: Аллилуя.

### **Икос 4**

Слышав беззаконное умыщение  
самозванного царя поругатися над верою  
православною, дерзновенно вещал еси ему, яко  
не подобает царю православному оженитися  
еретикою, и тако обличил еси его неверие и  
нечестие. Сего ради и воздвиже на тя гонение и  
из престольного града тя, святителю, изверже.

Мы же, почитающе сие твое правдолюбие, поем  
ти, сильному о Господе:

Радуйся, крепкий поборниче противу  
самозванного повелителя;

Радуйся, дерзновенный заступниче за  
православную веру.

Радуйся, суемудраго инославия праведное  
обличение;

Радуйся, спасительного православия  
немолчное назидание.

Радуйся, правды ради изгнанный;

Радуйся, от Господа вечною славою на  
небесех венчанный.

Радуйся, святителю Ермогене, добрый  
пастырю и великий заступниче Российский  
земли.

### **Кондак 5**

Боготечную звезду показа тя на небесех в  
сонме священномучеников Господь  
Вседержитель, зане и на земли был еси звезда  
светлая, осиявающая царя и царство светом  
православия и путеводствующая ко угождению

единому Богу, во еже воспевати Ему непрестанно: Аллилуя.

## Икос 5

Видеша тя православнии людие, яко светило церковное, безоблачно сияющее в просвещение омраченных страстьюи, призываща тя в царствующий град Москву, егда нечестивый самозваный повелитель низвержен бысть, да на свещнице первосвятительского служения освещавши путь жизни новому царю и всему Российскому царству. Сего ради и мы, до сего дне озаряемии светом твоим, неустанно вызываем ти:

Радуйся, почитаяй царя, яко Божие дарование;

Радуйся, мняй быти ему благочестиву и поборателю по вере православней.

Радуйся, новопоставленна царя Василия твердости учивый;

Радуйся, в радости и в горе другом ему бывый.

Радуйся, православнаго царя нашего пребывающее благословение;

Радуйся, во всех делах небесное ему  
поможение.

Радуйся, святителю Ермогене, добрый  
пастырю и великий заступниче Российский  
земли.

### **Кондак 6**

Проповедник быв спасительного покаяния, егда разгореся новый мятеж на Руси, призвал еси во град Москву древяного и немощного старца первосвятителя Иова и купно с ним молился еси в храме Успения Богоматере о чадех твоих, «да отвратит Господь от них праведный гнев Свой, да подаст им мир и любовь, да устроит в царстве древнее единение, да благословит царя победами над враги», и тако да прославится в людех российских Имя Господне песнию: Аллилуя.

### **Икос 6**

Возсиявый во граде Москве светильник пресветлый был еси, святителю Ермогене, всем блуждающим во тьме греховней, в твоих «богомольных» посланиях путь спасения им показуя и дух уныния и малодушия от сердец их отгоняя. Сего ради и мы грешнии, в дни скорби

и блуждания греховного, припадаем к тебе, святителю Божий, и слезно взываем: охраняй и ныне отчество наше от шатания умов и сердец, буди в жизни нам вождь добрый и благонадежный, да «не погибнет, по словеси твоему, Русь православная и Богом любимая» и да не престанет величати тя сице:

Радуйся, от потопления бурями житейскими российские люди спасаяй;

Радуйся, унывающих и мятущихся укрепляй и от заблуждений отвращаяй.

Радуйся, преступающих крестное целование со властию обличаяй;

Радуйся, за дом Пречистыя Богородицы и за Московское царство даже до смерти стояти научаяй.

Радуйся, зерцало совести нелицеприятныя;

Радуйся, добрый кормчий корабля Христова.

Радуйся, святителю Ермогене, добрый пастырю и великий заступниче Российских земли.

## Кондак 7

Хотя быти пастырь добрый, ему же суть овцы своя, видев волка грядуща, не оставлял еси овцы и не бегал еси, но пред ними ходил еси во всеоружии силы и истины, поя Богу: Аллилуя.

## Икос 7

Новаго человека, по образу Создавшаго его, а не новаго царства инославнаго измысления, возжелел еси, святителю Ермогене. Сего ради ополчился еси на иноземное суемудрие и ратовал еси за царство древлеправославное, еже тщится во всех людех и во всем житии их вообразити Христа Бога. Поем и славим сие православное ратоборство твое и благодарственно вопием ти:

Радуйся, волков хищных нещадное изгнание;

Радуйся, коварства их мудре распознание.

Радуйся, всех стояти непоколебимо за православную веру Христову учивый;

Радуйся, иновернаго царя возсести на престол Российский недопустивый.

Радуйся, стада Христова церковное ограждение;

Радуйся, царства православного верное спасение.

Радуйся, святителю Ермогене, добрый пастырю и великий заступниче Российский земли.

### **Кондак 8**

Странно есть маловерным и малодушным зretи, како святитель Ермоген, сей воистину «крепкий воин Христов», дерзновенно обличает измену вере Христовой и, егда устремися нань нечестивый изменник, имый нож в руце, токмо знамением крестным ограждает себе от нападения вражия, и тако побеждает его злобу и безумие, нас же воздвигает к пению: Аллилуиа.

### **Икос 8**

Весь бе исполнен ревностию Илии пророка, святителю Ермогене, егда узрел еси запустение царства и поругание святых храмов Божиих, огнем сея ревности воспламенил еси и сердца верных чад твоих, мужественно стати за веру православную и изгнati из престольного града нечестивых ляхов, во спасение Российский земли, поющия ти ныне любовию:

Радуйся, святою ревностию о спасении  
царства Российского пламеневый;

Радуйся, возжеси сию ревность и в чадех  
твоих восхотевый.

Радуйся, вся угрозы и прещения врагов  
твоих; презревый;

Радуйся, изыти им из града Москвы  
повелевый.

Радуйся, российское воинство на  
освобождение царствующаго града от  
нечестивых врагов благословивый;

Радуйся, святыни его от поругания тем  
оградити желавый.

Радуйся, святителю Ермогене, добрый  
пастырю и великий заступниче Российских  
земли.

### Кондак 9

Всякия труды подъял еси, святителю Божий,  
всякия лишения, обиды и болезни претерпел  
еси, спасения ради чад твоих; но и в терпении и  
в труде мнозем неустанно взывал еси Богу:  
Аллиуя.

## Икос 9

Витии мира сего безмолвствуют, в страсе и трепете видяще разорение царства Российского, громозвучный же глас святителя Ермогена, уже в заточении сущаго, не престает проповедати покаяние во отпущение грехов, ихже ради излился на Русь праведный гнев Божий, и молит пасомых «в чистоте души своя хранити и положити я за Пречистыя дом и за чудотворцев, и за веру». И мы веруем, яко слезами покаяния, по глаголу святителя, согрешившая Русь омыся, очистися и обновися, и ныне поет во славу своего по Бозе наставника:

Радуйся, грешныя к покаянию призываи;

Радуйся, властию от Бога грехи царства разрешай.

Радуйся, за грехи чад твоих и в заточении Бога моливый;

Радуйся, слезными теченьми землю темницы твоей оросивый.

Радуйся, рыданьми покаяния лице царства обновивый;

Радуйся, гнев Божий на милость к нам грешным преклонивый.

Радуйся, святителю Ермогене, добрый пастырю и великий заступниче Российский земли.

### **Кондак 10**

Спасти хотя Русь от безнадеяния греховнаго, не к нечестивому западу, но к богообязненному дому боляр Романовых обратил еси очи твои, святителю Ермогене, да будет он властию от Бога, во утверждение Христова закона, и да поют царие и людие единеми усты и единем сердцем Спасителю Богу: Аллилуя.

### **Икос 10**

Стопа неодолимая Церкве был еси, отче наш Ермогене, еюже царство наше оградися, в православии утвердися и от врагов спасеся, и ныне со благодарением взываети:

Радуйся, злые козни нечестиваго запада отвергнувый;

Радуйся, православие в земли нашей утвердивый.

Радуйся, святых преданий отеческих хранителю;

Радуйся, уставов Церкве Православныя  
ревнителю.

Радуйся, в доме боляр Романовых  
благочестивую отрасль древняго царственнаго  
рода узревый;

Радуйся, в нем Божию милостию Царя всея  
Руси указавый.

Радуйся, святителю Ермогене, добрый  
пастырю и великий заступниче Российскийя  
земли.

### **Кондак 11**

Пение исходное и рыдание надгробное  
творит православная Русь у гроба  
священномученика Ермогена, положившаго  
душу свою за други своя. Не плачите,  
православнии, не плачите, но паче дерзайте  
верою, праведник бо и по смерти жив будет во  
веки, пая Богу: Алилуя.

### **Икос 11**

Светильник Христов, на верху горы стояй и  
всей Руси светяй был еси в житии твоем,  
святителю Ермогене. И се полагаешися под  
спудом могильным плотию, да возсияеши духом,  
яко солнце в царствии Отца Небеснаго, нас же

да просветиши сице воспевати болезни и труды твоя:

Радуйся, с престола патриаршаго беззаконно низверженный;

Радуйся, в темное подземелие, яко во гроб, вверженный.

Радуйся, травною пищею от врагов питанный;

Радуйся, глада мученьми даже до смерти изнуренный.

Радуйся, священномучениче, за православие царства пострадавый;

Радуйся, страстотерпче, в руце Господу дух свой предавый.

Радуйся, святителю Ермогене, добрый пастырю и великий заступниче Российский земли.

## Кондак 12

Благодати Божией сокровище явися всечестная рака мощей твоих, святителю отче Ермогене, и источник приснотекущия силы, еюже беси изгоняются, недужний исцеляются, хромии ходят, глухии слышат, слепии

прозирают, озлобленнии умиряются, скорбящии утешаются и вси ликуют о Господе и прославляют Бога, дивнаго во святых Своих, поюще Ему: Аллилуиа.

## Икос 12

Поюще твое прославление, святителю Ермогене, сия песни приносим ти, чудотворче святый, яко благоухание христианския радости: зrim бо Божию силу, во святых мощех твоих пребывающу. И ныне озаряеши нас светоизлиянием твоим благодати, обвеселяя сердца наша пети ти со умилением:

Радуйся, ты бо Сладчайшаго присно созерцаеши;

Радуйся, ты бо лицем к лицу Христа воспеваеши.

Радуйся, ты бо Божественною силою преображаеши от славы в славу;

Радуйся, ты бо, яко солнце новое, украшаеши Господню державу.

Радуйся, твоим бо сиянием и мы незримо просветляемся;

Радуйся, твою бо силою и мы чудесно оживотворяемся.

Радуйся, святителю Ермогене, добрый пастырю и великий заступниче Российский земли.

### Кондак 13

О преславный угодниче Божий, святителю отче наш Ермогене. Приими наше твоей славе сорадование, яко вздохание души, жаждет бо неотъемлемый радости, и умоли венчавшаго тя славою Господа низпослати и нам от бед, скорбей и болезней, обдергавших ны, скорое избавление, даровати же благодать утешения и радования, да с веселием выну поем Богу: Аллилуиа.

*(Этот кондак читается трижды, затем икос 1 и кондак 1)*

